



সার ডিলার পুনঃ নিয়োগ বিজ্ঞপ্তি

স্মারক নং- ০৫.৪৩.৭৬০০.০১৩.২২.০০৬.২৩. ৮৪২

তারিখ: ২২ আগস্ট ২০২৬ খ্রি.
২৮ শ্রাবণ ১৪৩৩ বঙ্গাব্দ

‘সার ডিলার নিয়োগ ও সার বিতরণ সংক্রান্ত সমন্বিত নীতিমালা ২০২৫ (সংশোধিত)’ এর আলোকে পাবনা জেলার নিম্নোক্ত ডিলার ইউনিটের বিপরীতে সার ডিলার নিয়োগের জন্য নিম্নলিখিত শর্তসাপেক্ষে পুনরায় আবেদনপত্র আহবান করা যাচ্ছে:

ক্রমিক নং	উপজেলা	ইউনিয়ন/পৌরসভা	শূন্য ডিলার ইউনিট/সার ডিলার এর কার্য এলাকা (...ওয়ার্ড)
০১	পাবনা সদর	চরতারাপুর ইউনিয়ন	চরতারাপুর (৪,৫,৬)
০২			টাটিপাড়া (৭,৮,৯)
০৩	আটঘরিয়া	লক্ষীপুর ইউনিয়ন	বাঐকোলা (৭,৮,৯)
০৪	ঈশ্বরদী	সীড়া ইউনিয়ন	মারাদিয়া (৪,৫,৬)
০৫		পাকীশী ইউনিয়ন	চর রূপপুর (৪,৫,৬)
০৬		লক্ষীকুন্ডা ইউনিয়ন	দাদাপুর (৪,৫,৬)
০৭	চাটমোহর	গুনাইগাছা ইউনিয়ন	রামচন্দ্রপুর (৭,৮,৯)
০৮		হরিপুর ইউনিয়ন	ধুলাউড়ি (১,২,৩)
০৯		মুলগ্রাম ইউনিয়ন	খতবাড়ি (৭,৮,৯)
১০		ডিব্রাগ্রাম ইউনিয়ন	বামনগ্রাম (৪,৫,৬)
১১		পার্শ্বডাঙ্গা ইউনিয়ন	পার্শ্বডাঙ্গা (৭,৮,৯)
১২		বিলচলন ইউনিয়ন	রামনগর (৭,৮,৯)
১৩		চাটমোহর পৌরসভা	পৌরসভা (৭,৮,৯)
১৪	ভাঙ্গুড়া	মন্ডতোষ ইউনিয়ন	মেন্দা (১,২,৩)
১৫	বেড়া	কৈটোলা ইউনিয়ন	কৈটোলা (১,২,৩)
১৬		মাসুমদিয়া ইউনিয়ন	শিতলপুর (৪,৫,৬)
১৭		ঢালারচর ইউনিয়ন	দুর্গাপুর (৪,৫,৬)
১৮	সুজানগর	ভায়না ইউনিয়ন	মথুরাপুর (৭,৮,৯)
১৯		নাজিরগঞ্জ ইউনিয়ন	নাজিরগঞ্জ (৭,৮,৯)
২০		হাটখালী ইউনিয়ন	হাটখালী (১,২,৩)
২১			স্বাগতা (৭,৮,৯)
২২		সাগরকান্দি ইউনিয়ন	পুকুরনিয়া (১,২,৩)
২৩			শ্যামসুন্দরপুর (৪,৫,৬)
২৪		রানীনগর ইউনিয়ন	রানীনগর (৭,৮,৯)

শর্তাবলী:


- ‘সার ডিলার নিয়োগ ও সার বিতরণ সংক্রান্ত সমন্বিত নীতিমালা-২০২৫ (সংশোধিত)’ এর পরিশিষ্ট-১ এ প্রদত্ত নমুনা ছক অনুযায়ী আবেদন করতে হবে। (আবেদন ফরম www.moa.gov.bd থেকে ডাউনলোড করা যাবে।)
- আবেদনকারীদের নির্ধারিত শূন্য ডিলার ইউনিটের বিপরীতে ২০২৫ (সংশোধিত) এর নীতিমালায় বর্ণিত শর্ত পূরণসাপেক্ষে আবেদন করতে হবে। শূন্য ডিলার ইউনিটের তালিকা স্ব স্ব উপজেলার উপজেলা নির্বাহী অফিসার ও উপজেলা কৃষি অফিসার এর কার্যালয় হতে এবং উপপরিচালক, কৃষি সম্প্রসারণ অধিদপ্তর, খামারবাড়ি, পাবনা এর ওয়েবসাইট (www.dae.pabna.gov.bd) থেকে সংগ্রহ করা যাবে।
- জেলা প্রশাসক, পাবনা কার্যালয়ের স্মারক নং- ০৫.৪৩.৭৬০০.০১৩.২২.০০৬.২৩.৫৯৫, তারিখঃ ২৪/০২/২০২৬ খ্রি. মোতাবেক প্রকাশিত বিজ্ঞপ্তি অনুযায়ী যারা আবেদন করেছেন তাদের পুনরায় আবেদন করার প্রয়োজন নাই।
- আবেদনকারীর যোগ্যতা:
 - আবেদনকারীকে সংশ্লিষ্ট ইউনিয়ন/উপজেলা/পৌরসভা/সিটি কর্পোরেশনের বাসিন্দা হতে হবে ও এর প্রমাণক হিসেবে জাতীয় পরিচয়পত্র এবং সংশ্লিষ্ট ইউনিয়ন পরিষদ চেয়ারম্যান/পৌরসভার মেয়র বা প্রশাসক/সিটি কর্পোরেশনের সংশ্লিষ্ট ওয়ার্ড কমিশনার অথবা দায়িত্বপ্রাপ্ত কর্মকর্তা কর্তৃক প্রদত্ত নাগরিকত্ব সনদ দাখিল করতে হবে;
 - নিজ মালিকানায অথবা ভাড়ায় সংশ্লিষ্ট ইউনিয়ন/পৌরসভা/সিটি কর্পোরেশনের সংশ্লিষ্ট কার্য এলাকায় (ডিলার ইউনিটে) কমপক্ষে ৫০ মে.টন ধারণক্ষমতা সম্পন্ন গুদাম থাকতে হবে। তবে শর্ত থাকে যে, খাবারের দোকান/রেস্টুরেন্ট, গো-খাদ্য, মাছের খাবার, সবজি দোকানের সঙ্গে সার গুদাম করা যাবে না এবং সারের গুদামে বীজ সংরক্ষণ করা যাবে না;
 - বস্তাবন্দি সার যথাযথভাবে সংরক্ষণের জন্য গুদামের ভিটি স্বাভাবিক বন্যাসীমার চেয়ে উঁচু ও পাকা থাকতে হবে;
 - আবেদনকারীকে আর্থিকভাবে সচ্ছল হতে হবে এবং আর্থিক সচ্ছলতার প্রমাণক হিসেবে কমপক্ষে ১০.০০ (দশ) লক্ষ টাকার ব্যাংক সচ্ছলতার সাম্প্রতিক সনদ থাকতে হবে;
 - ইউনিয়ন পরিষদ/পৌরসভা/সিটি কর্পোরেশন কর্তৃক প্রদত্ত হালনাগাদ ট্রেড লাইসেন্স থাকতে হবে;
 - আবেদনকারীর বয়স ন্যূনতম ১৮ (আঠারো) বছর হতে হবে (বয়স প্রমাণের ক্ষেত্রে এফিডেভিট গ্রহণযোগ্য হবেনা);
 - আবেদনকারীকে শারীরিক ও মানসিকভাবে সুস্থ ও চলাচলে সক্ষম হতে হবে এবং
 - আবেদনকারীর হালনাগাদ আয়কর রিটার্ন দাখিলের সনদ থাকতে হবে;

(ঘ) আবেদনকারীর অযোগ্যতা:

১. ইতঃপূর্বে শাস্তিমূলক ব্যবস্থা হিসেবে কারও সার ডিলারশিপ বাতিল হয়ে থাকলে তিনি আবেদনের অযোগ্য হবেন। পাশাপাশি ইতঃপূর্বে ব্যবসায় নিয়ম/কোনো ফৌজদারি বা অন্য কোনো আইনে দণ্ডপ্রাপ্ত হয়ে থাকলে তিনি ডিলারশিপ আবেদনের জন্য অযোগ্য হবেন। তবে ফৌজদারি অপরাধে দণ্ডপ্রাপ্ত ব্যক্তি সাজাভোগের ০২ (দুই) বছর পর আবেদন করতে পারবেন;
২. কোনো বিধিবদ্ধ সরকারি/আধাসরকারি/স্বায়ত্বশাসিত প্রতিষ্ঠান/পাবলিক বিশ্ববিদ্যালয়/এমপিওভুক্ত প্রতিষ্ঠানের কর্মচারী বা জনপ্রতিনিধি ডিলার হতে/থাকতে পারবেন না;
৩. সার ডিলার নিয়োগের ক্ষেত্রে একই পরিবারের একজনের ডিলারশিপ বা বিক্রয় প্রতিনিধিত্বশিপ থাকলে পরিবারের অপর কেউ ডিলারশিপের/বিক্রয় প্রতিনিধিত্বশিপের আবেদন করতে বা ডিলার বা বিক্রয় প্রতিনিধি হতে পারবেন না। এ ক্ষেত্রে পরিবারের সদস্য বলতে পিতা, মাতা, স্বামী/স্ত্রী, পুত্র, পুত্রের স্ত্রী, পুত্রের পুত্র ও তাদের স্ত্রী, অবিবাহিত কন্যা ও নির্ভরশীল ভাই ও বোন যারা এক খানায় খাদ্য গ্রহণ করে তাদের বুঝানো হয়েছে।

ঙ. সারের ডিলারশিপের জন্য আবেদনপত্র জমাদানের শর্ত ও প্রয়োজনীয় কাগজপত্রঃ

১. আবেদনকারীকে নির্ধারিত ছকে (পরিশিষ্ট-০১) আবেদন প্রস্তুত করে তার প্রতিষ্ঠানের নিজস্ব লেটার প্যাডে পরিচায়ক পত্রে (Cover Letter) সহ আবেদন দাখিল করতে হবে;
২. আবেদনপত্রের সঙ্গে নিম্নবর্ণিত দলিলাদি/কাগজ-পত্র জমা দিতে হবে;
(ক) জাতীয় পরিচয়পত্র ও স্থানীয় কর্তৃপক্ষ কর্তৃক ইস্যুকৃত নাগরিকত্ব সনদ;
(খ) সাম্প্রতিক তোলা ০৩ (তিন) কপি পাসপোর্ট সাইজ রঙিন ছবি;
(গ) হালনাগাদ ট্রেড লাইসেন্স;
(ঘ) দোকান ও গুদামের পরিমাপের বর্ণনাসহ মালিকানা/ভাড়ার চুক্তিনামার কপি;
(ঙ) ব্যাংক সঞ্চলতার সাম্প্রতিক সনদ;
(চ) আবেদনকারী কর্তৃক স্বাক্ষরিত স্থানীয় জনপ্রতিনিধি কর্তৃক প্রত্যয়িত পরিবারের সদস্যদের পেশাসহ (পিতা, মাতা, পুত্র, অবিবাহিত কন্যা এবং নির্ভরশীল ভাই ও বোন) তালিকা; এবং
(ছ) হালনাগাদ আয়কর রিটার্ন দাখিলের সনদ;
৩. ডিলারশিপের জন্য আবেদনকারীর কৃষি উপকরণ সংক্রান্ত ব্যবসায়ের পূর্ব অভিজ্ঞতা থাকলে তার বিবরণ (প্রমাণদিসহ) দাখিল করতে হবে;
৪. আবেদনপত্রের সঙ্গে আবেদন ফি বাবদ অফেরতযোগ্য ২০০০ (দুই হাজার) টাকার পোস্টাল অর্ডার/পে-অর্ডার/ডিম্যান্ড ড্রাফট সভাপতি, জেলা সার ও বীজ মনিটরিং কমিটি, পাবনা বরাবর জমা দিতে হবে;
৫. একই সঙ্গে সংশ্লিষ্ট জেলা প্রশাসক ও সভাপতি, জেলা সার ও বীজ মনিটরিং কমিটি, পাবনা বরাবর আর্নেস্টম্যানি বাবদ ১০,০০০/- (দশ হাজার) টাকার পে-অর্ডার/ডিম্যান্ড ড্রাফট (ফেরতযোগ্য) সংযোজন করতে হবে। আবেদনপত্র যাচাইকালে কোনোরূপ তথ্যগত বা দালিলিক অসত্যতা অথবা সংযুক্ত কাগজপত্র নকল বা জাল প্রমাণিত হলে উক্ত আবেদনপত্র বাতিল ঘোষণা করা হবে এবং আর্নেস্টম্যানি বাবদ জমাকৃত পে-অর্ডার/ডিম্যান্ড ড্রাফট বাজেয়াপ্ত হবে। ফলাফল প্রকাশের পর জেলা প্রশাসক অনির্বাচিত আবেদনকারীদের আর্নেস্টম্যানি বাবদ জমাকৃত পে-অর্ডার/ডিম্যান্ড ড্রাফট ১০ (দশ) কর্মদিবসের মধ্যে ফেরত প্রদানের ব্যবস্থা গ্রহণ করবেন। নির্বাচিত আবেদনকারীর আর্নেস্টম্যানি ডিলার নিয়োগের চুক্তি স্বাক্ষরের পর ফেরত প্রদান করা হবে।
- (চ) আবেদনপত্র দাখিলের শেষ তারিখ ও স্থানঃ
 ১. আবেদনপত্র দাখিলের শেষ তারিখ: ৩১/০৮/২০২৬ খ্রি. বিকাল ৫.০০ ঘটিকা পর্যন্ত;
 ২. আবেদনপত্রসহ প্রয়োজনীয় কাগজপত্র দাখিলের স্থান: উপপরিচালকের কার্যালয়, কৃষি সম্প্রসারণ অধিদপ্তর, খামারবাড়ি, পাবনা।
কোন কারণ দর্শানো ব্যতিরেকে যেকোন আবেদনপত্র গ্রহণ বা বাতিল করাসহ এই বিজ্ঞপ্তি বাতিলের সকল ক্ষমতা কর্তৃপক্ষ সংরক্ষণ করেন।


১২/০৮/২০২৬
(আমিনুল ইসলাম)

জেলা প্রশাসক

ও

সভাপতি

জেলা সার ও বীজ মনিটরিং কমিটি, পাবনা।